

**ZAPISNIK SA ČETVIRTE REDOVNE SJEDNICE VIJEĆA RODITELJA  
JU TREĆE GIMNAZIJE  
U ŠKOLSKOJ 2019/2020. GODINI**

Četvrta sjednica Vijeća roditelja održana je elektronskim putem od 9. do 11. juna 2020. godine, zbog epidemiološko-zdravstvene situacije uzrokovane virusom COVID-19.

Članovima Vijeća roditelja emailom je 5. juna poslan nacrt dnevnog reda, na koji su se izjašnjavali emailom do 8. juna. Nije bilo primjedbi na dostavljeni nacrt dnevnog reda, te su finalni dnevni red i materijali uz sve tačke dnevnog reda dostavljene emailom članovima 9. juna.

Usvojen je sljedeći dnevni red:

1. Usvajanje Zapisnika sa Treće redovne sjednice Vijeća roditelja JU Treća gimnazija, održane 12.3.2020. godine
2. Analiza uspjeha u učenju i vladanju učenika četvrtih razreda
3. Informacija o organizaciji maturalne večeri
4. Informacija o organizaciji ekscurzije
5. Informacija o dodjeli Plakete Kantona Sarajevo JU Treća gimnazija
6. Presentacija JU Treća gimnazija na društvenim mrežama
7. Prijedlog članova Vijeća roditelja o participaciji roditelja u minimalnim učeničkim troškovima u školskoj 2020/2021. godini
8. Razno

Članovi su se na predložene tačke dnevnog reda izjašnjavali emailom od 9. do 11. juna, i ukupno 23 člana su se izjasnila ZA; nije bilo PROTIV niti SUZDRŽANIH.

**Ad/1**

Jednoglasno je usvojen Zapisnik s Treće redovne sjednice Vijeća roditelja.

**Ad/2**

Vijeće roditelja primilo je k znanju Analizu uspjeha u učenju i vladanju učenika četvrtog razreda na kraju školske 2019/2020. godine. U školskoj 2019/2020. godini četvrti razred je upisalo 162 učenika. Svi učenici su uspješno završili četvrti razred ili 100,00%. Od toga 136 je odličnih ili 83,95%, 24 vrlo dobrih ili 14,81%, 2 dobra ili 1,23%. 1 učenik je bio upućen na popravni ispit iz Matematike, koji je uspješno položio. Srednja ocjena u učenju po odjeljenjima: IV<sub>1</sub> – 4,96; IV<sub>2</sub> – 5,00; IV<sub>3</sub> – 4,76; IV<sub>4</sub> – 4,81; IV<sub>5</sub> – 4,81 i IV<sub>6</sub> – 4,72.

Srednja ocjena svih četvrtih razreda je 4,83, što je bolje za 0,12 od srednje ocjene prošlogodišnjih četvrtih razreda, koja je bila 4,71.

Od 162 maturanta, 155 imaju primjerno vladanje ili 95,68%, 3 vrlodobro vladanje ili 1,85%, 1 dobro vladanje ili 1,85%, 2 zadovoljava vladanje ili 1,23% i 1 učenik loše vladanje ili 0,62%. Učenici četvrtih razreda su napravili 4.946 izostanka (4.642 opravdana i 304 neopravdana) ili 30,5 po učeniku, dok su prošlogodišnji maturanti napravili 8023 izostanaka ili 46,9 po učeniku. Maturanti su ove godine izostajali manje, jer je nastava u drugom polugodištu realizirana online. Najveći broj izostanaka ima IV<sub>3</sub> sa 1.797 izostanaka ili 62 izostanka po učeniku, slijedi IV<sub>4</sub> sa 1.406 izostanaka, dok najmanji broj izostanaka ima IV<sub>5</sub> sa 586 izostanka ili 22,5 po učeniku. Pohvaljeno je 45 učenika sa odličnim uspjehom i primjernim vladanjem.

### **Ad/3**

Planirano je da se Matursko veče za učenike IV razreda organizuje u ovoj školskoj godini nakon što je Ministarstvo za obrazovanje, nauku i mlade KS poslao saglasnost osnovnim i srednjim školama u KS za organizaciju ove manifestacije.

Povedena je anketa za učenike IV razreda o njihovoj zainteresovanosti za realizaciju maturske večeri, i više od polovine učenika izjasnilo se da želi uzeti učešće na maturskoj večeri. Nakon toga 4. juna 2020. u školi je održan sastanak sa predsjednicima odjeljenja IV razreda i predstavnicima roditelja IV razreda u Vijeću roditelja, te razrednicima IV razreda. Sastanak je vodila direktorica i dogovoreno je da se maturska večer realizuje u Hotelu Novotel dana 17.6.2020. sa svim mjerama prevencije od zarazne bolesti COVID-19, a prema uputama koje je izdao Zavod za javno zdravstvo FBiH. Osim toga, Hotel Novotel je dao dodatne upute o ponašanju učenika tokom ovog događaja, kako bi se u potpunosti svi prisutni pridržavali mjera prevencije u cilju zaštite zdravlja svih prisutnih na maturskoj zabavi. Dogovoreno je da neće biti okupljanja pred školom već da će se postepeno ulaziti u hotel ne stvarajući gužvu i sprečavajući okupljanje u velikom broju. Roditelji su zamoljeni da ne dolaze porodično na ispraćaj maturanta zbog poštivanja broja dozvoljenog za okupljanje prema važećim epidemiološkim mjerama. Ove informacije predstavnici roditelja će proslijediti ostalim roditeljima u svom odjeljenju.

### **Ad/4**

S obzirom da su planirane aktivnosti na organizaciji i provođenju maturalne ekskurzije za školsku 2019/20. godinu za učenike III razreda obustavljenje prema naredbi Ministarstva za obrazovanje, nauku i mlade KS zbog pandemije COVID-19, odlučeno je da se ekskurzija neće realizovati u ovoj školskoj godini. Prema tome, ekskurzija se odgađa do daljnjeg, odnosno sve dok nadležno Ministarstvo ne donese odluku o dozvoli i mogućnosti organizacije ekskurzija svim školama u KS. Pošto su prethodno bile započete aktivnosti na realizaciji ekskurzije, poštujući sve odredbe i rokove date u *Pravilniku o organizaciji i realizaciji izleta, studijskih posjeta, ekskurzija, kampovanja, društveno korisnog rada, škole u prirodi i drugih oblika odgojno-obrazovnog rada u osnovnim i*

*srednjim školama KS*, roditelji su već bili uplaćivali mjesečne rate za troškove ekskurzije na račun odabrane turističke agencije. S obzirom na novonastalu situaciju i odgađanje ekskurzije dogovoreno je da će do sada uplaćeni iznosi biti vraćeni roditeljima koji to žele, odnosno da je već započelo vraćanje novca roditeljima koji su se obraćali agenciji.

Ukoliko škola bude imala dozvolu i saglasnost nadležnog Ministarstva za realizaciju ekskurzije u narednoj školskoj godini, nastojat će je organizovati za učenike koji su, nažalost, ostali uskraćeni za svoju maturalnu ekskurziju.

#### **Ad/5**

Na svečanoj sjednici Skupštine Kantona Sarajevo, održanoj 6. maja 2020. godine, JU Treća gimnazija dodijeljeno je javno priznanje – Plaketa Kantona Sarajevo za izuzetan doprinos razvoju odgojno-obrazovnog sistema u KS i BiH, te podsticanju i razvijanju kreativnosti, ličnih sposobnosti i tolerancije među mladima.

Na sjednici je prikazan prilog – prikaz rada i aktivnosti Treće gimnazije od njezinog osnivanja 1948. godine do danas.

Plaketu je direktorici Treće gimnazije prof. Senadi Salihović uručio premijer Kantona Sarajevo gospodin Mario Nenadić.

Direktorica je u obraćanju zahvalila Skupštini Kantona na dodjeli najvećeg priznanja Kantona Sarajevo, čime je prepoznat višedecenijski uspješan rad ove škole, kvalitet njezinih učenika i uposlenika. Istaknula je da ova škola pruža mogućnost razvijanja i napredovanja u svakom pogledu. Izrazila je nadu da će nakon ovog vrijednog priznanja učenici i zaposlenici škole zasigurno još snažnije krenuti u osvajanje novih titula i medalja. Veliki doprinos postizanju uspjeha daju učenici škole, ali i roditelji, koji su jedan od stubova škole. Navela je da škola nastoji pratiti savremena kretanja u obrazovanju i odgajanju djece, kroz težak, odgovoran, ali i najljepši posao.

#### **Ad/6**

S obzirom da su planirane aktivnosti na promociji škole za upis u I razred u školsku 2020/2021. godinu bile obustavljene zbog pandemije COVID-19, Treća gimnazija je odlučila promociju škole za učenike IX razreda osnovnih škola izvršiti online putem.

Prema nadležnom Ministarstvu poslan je prijedlog plana upisa za VI odjeljenja: po 1 odjeljenje matematičko-informatičkog izbornog područja, IT izbornog područja, jezičkog i društvenog izbornog područja, te 2 odjeljenja prirodnog izbornog područja.

U skladu s tim urađena je nova prezentacija rada škole sa detaljnim informacijama o izbornim područjima koja škola ima i bogatoj ponudi slobodnih aktivnosti učenika i školskih projekata. Urađen je i novi promotivni video na kojem se može vidjeti vanjski i unutrašnji izgled škole, opremljenost nastavnim sredstvima, te sadržaji sa različitih događaja koje je škola provodila sa učenicima u proteklih nekoliko godina. Linkovi sa navedenim sadržajima su zatim poslani svim osnovnim školama u KS, Vijeću roditelja KS, te Ministarstvu za obrazovanje, nauku i mlade KS. Osim toga, linkovi sa navedenim sadržajima podijeljeni su i na društvenim mrežama.

Škola je omogućila i informisanje učenika i roditelja telefonski za sve zainteresovane učenike, kao i mogućnost pojedinačnih posjeta učenika i roditelja školi u dogovoru sa Upravom.

#### **Ad/7**

Prema ranije ustaljenoj praksi, prijedlog je da u školskoj 2020/2021. godini participacija roditelja u minimalnim učeničkim troškovima iznosi 55 KM, uz dodatnih 5 KM za obavezno osiguranje, koja se mogla platiti u dvije rate. Time bi se osiguralo pokrivanje svih troškova predviđenih participacijom (štampanje dva broja časopisa, Godišnjaka, nabavka IT opreme, nabavka zadaćnica, fotokopiranje nastavnog materijala, korištenje biblioteke, reparacija knjiga i nabavka novih, opremanje kabineta i slično, a sve prema Godišnjem programu rada škole).

Zapisnik napravila

Ivana Šanje

Sekretar-zapisničar VR

Zapisnik ovjerio

Murčo Obućina

Predsjednik VR

**ZAPISNIK S TREĆE REDOVNE SJEDNICE VIJEĆA RODITELJA  
JU TREĆE GIMNAZIJE  
U ŠKOLSKOJ 2019/2020. GODINI**

Treća sjednica Vijeća roditelja održana je u četvrtak, 12.3.2020. godine u biblioteci Škole, s početkom u 17:30 sati.

Sjednici je prisustvovalo 19 članova Vijeća roditelja, prof. Senada Salihović, direktorica Škole i prof. Amra Čolić, zamjenica direktorice. Sjednici nisu prisustvovali predstavnici I<sub>3</sub>, I<sub>4</sub>, II<sub>6</sub> i IV<sub>1</sub>, koji su najavili i opravdali svoj izostanak, te predstavnik III<sub>2</sub>, koji nije najavio izostanak, u skladu s odredbama Poslovnika o radu Vijeća roditelja JU „Treća gimnazija“ Sarajevo. Konstatirano je da Vijeće roditelja ima kvorum za odlučivanje, u skladu s odredbama Poslovnika o radu Vijeća roditelja.

Predložen je sljedeći dnevni red, koji je članovima Vijeća roditelja prethodno dostavljen emailom:

1. Usvajanje Zapisnika sa Druge redovne sjednice Vijeća roditelja JU Treća gimnazija, održane 19.11.2019. godine; Zapisnika o on-line izjašnjavanju o izboru predstavnika člana Vijeća roditelja u projekt Vijeća Evrope „Kvalitetno obrazovanje za sve“, održanog 17-23.12.2019. godine; te Zapisnika o on-line izjašnjavanju o Inicijativi za predlaganje JU Treća gimnazija za dodjelu „Šestoaprilске nagrade Grada Sarajeva“, održanog 27-31.12.2019. godine (predsjednik VR)
2. Izvještaj sa Izborne sjednice Vijeća roditelja, održane 20.02.2020. godine (predsjednik VR)
3. Analiza uspjeha u učenju i vladanju na kraju I polugodišta (zamjenica direktorice Škole)
4. Izvještaj o realizovanim vannastavnim aktivnostima, projektima i drugim oblicima odgojno-obrazovnog rada tokom I polugodišta (pedagog Škole)
5. Informacija o Općem roditeljskom sastanku za I razrede (direktorica Škole)
6. Izvještaj o učešću VR Treće gimnazije u radu VROŠŠ KS (zamjenica predsjednika VR)
7. Informacija o radu Vijeća učenika Škole (zamjenica predsjednika VR)
8. Izvještaj Komisije za organizaciju maturantske ekskurzije u tekućoj školskoj godini (predstavnici roditelja iz III<sub>3</sub> i III<sub>6</sub>)
9. Priprema organizacije manifestacije Dani otvorenih vrata i projekta „Naših ruku djela“ i izbor tima VR koji će pomagati u realizaciji ovih aktivnosti (direktorica Škole/predsjednik VR)
10. Organizacija Maturanske večeri (psiholog Škole)
11. Informacija o aktivnostima povodom Dana škole (direktorica Škole/predsjednik VR)

Prije usvajanja, predložene su tri dopune dnevnog reda:

- Predstavnici I<sub>5</sub> i I<sub>6</sub> predložili su da se pod tačkom 12. uvrsti razmatranje uvođenja redovnih termina za konsultacije s predmetnim nastavnicima;
- Predstavnic I<sub>2</sub> predložila je da se po tačkom 13. *Razno* uvrsti informacija o provođenju aktivnosti vezanih za prevenciju širenja koronavirusa;
- Predstavnic I<sub>1</sub> predložila je da se pod tačkom 13. *Razno* uvrsti razmatranje učeničkog osiguranja za narednu školsku godinu.

Dnevni red, s predloženim dopunama, jednoglasno je usvojen.

#### **Ad/1**

Jednoglasno su usvojeni Zapisnik s Druge redovne sjednice Vijeća roditelja, Zapisnik o on-line izjašnjavanju o izboru predstavnika člana Vijeća roditelja u projekt Vijeća Evrope „Kvalitetno obrazovanje za sve“; te Zapisnik o on-line izjašnjavanju o Inicijativi za predlaganje JU Treća gimnazija za dodjelu „Šestoaprilске nagrade Grada Sarajeva“, koji su članovima Vijeća roditelja prethodno dostavljeni emailom.

Gđa Muamera Pašić, predstavница IV<sub>2</sub> i inicijatorica inicijative za dodjelu „Šestoaprilске nagrade Grada Sarajeva“ Trećoj gimnaziji, izrazila je razočarenje činjenicom da je Gradsko vijeće Grada Sarajeva, na svojoj 37. sjednici, održanoj 11.3.2020. godine, donijelo odluku da se „Šestoaprilска nagrada Grada Sarajeva“ u 2020. godini za doprinos u oblasti nauke i obrazovanja dodijeli prof. dr. Faruku Čaklovići. Smatra da doprinos jedne škole ima veću težinu od doprinosa pojedinca, a smatra upitnim je i potencijalni sukob interesa, budući da su dobitnik nagrade i predsjedavajući Odbora za dodjelu „Šestoaprilске nagrade Grada Sarajeva“ zaposleni na istom fakultetu. Mišljenja je da Vijeće roditelja treba Gradskom vijeću Grada Sarajeva podnijeti žalbu na činjenicu da su dobitnik nagrade i predsjedavajući Odbora za dodjelu nagrade radne kolege.

Gđa Sanida Đulepa, predstavница IV<sub>3</sub>, smatra da se po ovom pitanju ne treba očitovati Vijeće roditelja, već grupa građana podnositelja inicijative.

Gđa Suzana Toplić-Berberović, predstavница III<sub>1</sub>, također podržava ulaganje žalbe pozivajući se na online peticiju.

Gđa Alzira Hota, predstavница I<sub>5</sub>, kreatorica online peticije čiji je cilj bio brže i lakše prikupljanje potpisa potrebnih za podnošenje kandidature za dodjelu nagrade, istaknula je da je na ovaj način prikupljen veliki broj potpisa građana koji su dali podršku Trećoj gimnaziji. Smatra ovogodišnju kandidaturu dragocjenim iskustvom, koje može biti temelj za kvalitetniju pripremu za kandidaturu sljedeće godine.

Prof. Senada Salihović, direktorica Škole, istaknula je da se Škola i za ovogodišnju kandidaturu vrlo kvalitetno pripremila i prezentirala cjelokupni rad i uspjehe na brojnim poljima. Zahvalila je gđi Pašić na nesebičnom angažmanu oko kandidature.

Zaključak Vijeća roditelja je da gđa Pašić, kao pokretačica inicijative, ispita propisanu proceduru i rok za podnošenje žalbe, nakon čega grupa građana – podnositelja inicijative, može uputiti online peticiju Gradskom vijeću Grada Sarajeva.

## **Ad/2**

1. Murčo Obućina, predsjednik Vijeća roditelja, podnio je Izvještaj sa Izborne sjednice Vijeća roditelja, održane 20.2.2020. godine, na kojoj se birao član školskog odbora iz reda roditelja učenika škole.

Procedura je provedena u skladu s odredbama *Pravilnika o izboru, nadležnostima i načinu rada školskih odbora srednjih škola Kantona Sarajevo* („Službene novine Kantona Sarajevo“, br. 42/17 i 23/18).

*Javni konkurs za izbor i imenovanje na pozicije predsjednika i članova u školskim odborima srednjih škola kao javnih ustanova na području Kantona Sarajevo* objavljen je na web-stranici Ministarstva za obrazovanje, nauku i mlade Kantona Sarajevo, dnevnom listu Oslobođenje i Službenim novinama Federacije BiH. Informacija o objavljenom konkursu s pratećom dokumentacijom prosljeđena je svim članovima Vijeća roditelja, koji su je dalje prosljeđili roditeljima odjeljenja koja predstavljaju.

Na javni konkurs prijavile su se dvije kandidatkinje: gđa Nermina Hadžić i gđa Nada Sokolović, čije su biografije dostavljene emailom članovima Vijeća roditelja.

Kandidatkinje su na sjednici dodatno predstavile svoje programe, nakon čega se pristupilo glasanju, na kojem je gđa Hadžić dobila 7, a gđa Sokolović 13 glasova prisutnih članova Vijeća roditelja, o čemu je načinjen Zapisnik na obrascu propisanom *Pravilnikom o izboru, nadležnostima i načinu rada školskih odbora srednjih škola Kantona Sarajevo*.

## **Ad/3**

Vijeće roditelja primilo je k znanju Analizu uspjeha u učenju i vladanju učenika na kraju I polugodišta školske 2019/2020. godine, koju je prezentirala prof. Amra Čolić, zamjenica direktorice Škole.

Školsku 2019/2020. godinu pohađaju 584 učenika (222 muškarca i 362 djevojke).

Prvo polugodište je uspješno završilo 540 učenika ili 92,47% (285 odličnih, 246 vrlo dobrih, 9 dobrih). Nedovoljne ocjene ima 40 učenika ili 6,85%, a neocijenjena su 4 učenika ili 0,68%.

Srednja ocjenu u učenju po razredima:

- prvi razredi 4,06
- drugi razredi 4,10
- treći razredi 4,37
- četvrti razredi 4,41

Srednja ocjena na nivou škole je 4,24.

Primjerno vladanje imaju 542 učenika, vrlo dobro 21 učenik, dobro i zadovoljava po 4 učenika, dok 9 učenika ima loše vladanje. Četiri učenika su neocijenjena i iz vladanja.

Učenici su napravili 12.646 izostanaka.

Pohvaljeno je 59 učenika.

Najmanji broj izostanaka imaju sljedeća odjeljenja, koja su dobila i slobodan dan u drugom polugodištu:

- I<sub>2</sub> razrednika Adema Bajrića: 205 izostanka ili 8,54 po učeniku
- II<sub>4</sub> razrednika Esada Karahodžića: 484 izostanka ili 20,17 po učeniku
- III<sub>6</sub> razrednice Edine Hodžić: 413 izostanka ili 14,75 po učeniku
- IV<sub>5</sub> razrednice Erne Mujić: 349 izostanka ili 13,42 po učeniku.

#### **Ad/4**

Vijeće roditelja primilo je k znanju Izveštaj o realizovanim vannastavnim aktivnostima, projektima i drugim oblicima odgojno-obrazovnog rada u toku I polugodišta školske 2019/20. godine, koji je, zbog opravdanog odsustva pedagoga, prezentirala prof. Amra Čolić, zamjenica direktorice Škole.

Godišnjim programom rada JU Treća gimnazija za školsku 2019/20. godine planirane su i realizuju se različite slobodne aktivnosti učenika, za čije se pohađanje učenici opredjeljuju prema svojim potrebama, interesima i talentima, proširujući tako svoja znanja, razvijajući sposobnosti i životne



vještine. Ovim se stvara pozitivna školska klima, jača osjećaj pripadnosti školi, te se, osim obrazovnog, ostvaruje i odgojni aspekt škole.

U Školi djeluje 21 sekcija (5 sportskih, 9 kulturno-umjetničkih, 2 iz IT i 5 iz ostalih kategorija).

Dodatna nastava se realizuje iz matematike, fizike, engleskog jezika i latinskog jezika.

Tokom I polugodišta u ove slobodne aktivnosti bilo je uključeno oko 40% učenika Škole.

U okviru redovne nastave i slobodnih aktivnosti realizirani su i različiti projekti, posjete, izleti i studijske posjete, obilježavanje značajnih datuma, učešće u humanitarnim akcijama:

- zajednički jednodnevni izleti za sve učenike škole (Vrelo Bosne, Mostar, Bjelašnica, Trebević);
- posjeta Memorijalnom centru Potočari-Srebrenica za učenike II razreda;
- izlet planinarske sekcije na Tjentište;
- posjeta učenika IV<sub>6</sub> tvornici „Violeta“ u okviru STEM projekta;
- posjeta učenika III<sub>3</sub> STEM Maker Faire u Zagrebu;
- posjeta učenika IV<sub>5</sub> STEM sajmu u Mostaru;
- studijsko putovanje učenika II razreda u Zagreb, te učenika III razreda u Beograd;
- posjete svih odjeljenja kulturnim, historijskim, vjerskim i obrazovnim ustanovama u KS i nevladinim organizacijama;
- svečani prijem „prvačića“;
- razmjena korištenih školskih udžbenika među učenicima;
- obilježavanje i učešće na manifestacijama: Noć istraživača; Dani Matice Hrvatske; Dan državnosti; Dan ljudskih prava; Dan borbe protiv korupcije; 16 dana aktivizma – borba protiv rodno zasnovanog nasilja; Dan dječije radosti;
- večer sa teatarskim i filmskim umjetnicima;
- predstava dramske sekcije „Okvir za sliku“;
- Online nastavna sedmica uz korištenje edukativne platforme Office365;
- realizacija nastavnih jedinica na nastavi matematike, fizike, informatike, hemije, biologije i geografije prema STEM metodologiji, u okviru STEM projekta (science, technology, engineering and mathematics – nauka, tehnologija, inženjerstvo i matematika);

- Projekt „Društveno korisno učenje“ za I i II razrede, čiji je cilj podsticanje na aktivizam, volontarizam i humanost kroz različite aktivnosti u školskoj sredini i lokalnoj zajednici);
- Projekt „Znanjem do razumijevanja“, čiji je cilj podizanje svijesti o različitostima (kulturnim, etničkim, religijskim i drugim) u školi i u svijetu kroz razvijanje kritičkog mišljenja i kreiranje dobrog okruženja za učenje u kojem se afirmira raznolikost;
- Projekt „Znanjem protiv droge“ za učenike II razreda, čiji je cilj prevencija ovisnosti o psihoaktivnim supstancama (u suradnji s udruženjem Momentum, a uz podršku Općine Novo Sarajevo);
- Projekt „Vršnjačko nasilje – NEMA ŠANSE“, čiji je cilj smanjivanje vršnjačkog nasilja u školi (u suradnji s udruženjem CROA, a uz podršku Općine Novo Sarajevo);
- Projekt „Najveća svjetska lekcija“, u suradnji s UNICEF-om i učenicima IV<sub>3</sub>, a čiji je cilj upoznavanje učenika II i IV razreda s globalnim ciljevima održivog razvoja i budućnosti, a koja se tiču tri dimenzije održivosti: društvene, ekološke i ekonomske;
- Realizacija projekata iz nastavnih predmeta:

Njemački jezik (priprema, organizacija i realizacija DSD ispita, te projekti: Das Tagebuch der Anne Frank; Freiwillige Arbeit; Unsere Kochschow; Halloween-Party für DSD-Schülerinnen; Produkte aus D-A-CH; 30 godina od pada Berlinskog zida; Lerntage-bücher; online platforma „pasch-net.de“; Personenbeschreibung);

BHS jezik i književnost: Retorika; Poetski predah – recitatorska sekcija;

Engleski jezik: Appreciating literature; The Mansons Family;

Historija: Suvenirom ti govorim; Moja ulica – moje naselje; Muzejske priče;

Biologija: akcija pošumljavanja planine Igman; projekt „Lijekovi sa isteklim rokom trajanja – tihe ubojice“ (u suradnji sa studentima Farmaceutskog fakulteta);

Fizika i sport: Nauka sporta.

Novi projekti planirani u narednom periodu:

- „Kvalitetno obrazovanje za sve“, trogodišnji projekt koji podržava i financira Vijeće Europe. Treća gimnazija je jedna od 29 škola u BiH koja će sudjelovati u ovom projektu i time je postala dio *Mreže škola za demokratsku kulturu u BiH*. Projekt ima za cilj unapređenje demokratske kulture u školama, odnosno unapređenje kompetencija učenika, nastavnika i roditelja za demokratsku kulturu kroz različite sadržaje u nastavnim i vannastavnim aktivnostima, te vanškolskim aktivnostima, u suradnji s lokalnom zajednicom.

- Gđa Sabina Šunjić, članica školskog tima Treće gimnazije u ovom projektu, predstavila je Vijeću roditelja aktivnosti u njegovoj realizaciji, te pohvalila našu školu kao jednu od najaktivnijih škola u ovom projektu, koja je krenula s realizacijom brojnih aktivnosti koje on predviđa.
- „ETOS inicijativa“, u suradnji s TPO fondacijom, čiji je cilj dobijanje međunarodnog certifikata ETOS škole. Proces certificiranja traje tri godine, za vrijeme kojega se škola obavezuje provoditi različite teorijske i praktične koncepte podučavanja i učenja o etičkim vrijednostima, s akcentom na razvoj i njegovanje kulture nenasilja, tolerancije, solidarnosti i jednakopravnosti.
- „Smanji račun – sačuvaj šumu“, čiji je cilj podizanje ekološke svijesti, očuvanje šuma i racionalnija potrošnja papira. Radi se o novom modelu izdavanja računa za komunalije, čime bi se napravile značajne uštede u budžetu Kantona Sarajevo. Nekoliko direktora sarajevskih javnih komunalnih preduzeća okarakterizirali su ideju izuzetno uspješnom i korisnom.
- „Promocija maturanata na nivou Kantona Sarajevo“ upućen je na dalju realizaciju Udruženju Vijeće roditelja učenika osnovnih i srednjih škola Kantona Sarajevo (VROSŠ KS).

1. Decembarski dani kulture održani su 6. decembra (II i IV razredi), odnosno 12. decembra 2019. godine (I i III razredi).

Sva odjeljenja su predstavila svoje umjetničko stvaralaštvo.

Nagrade za najbolji plasman – I mjesto po razredima (novčani isnos od 200 KM i jedan slobodan dan u drugom polugodištu):

U kategoriji I razreda – odjeljenje I<sub>4</sub> („115. kongres budućnosti“)

U kategoriji II razreda – odjeljenje II<sub>5</sub> („Od Hadžića do granice“)

U kategoriji III razreda – odjeljenje III<sub>4</sub> („Psihijatrija“)

U kategoriji IV razreda – odjeljenje IV<sub>3</sub> („Gdje se dimi, šta se dimi“)

Direktorica Škole je svako odjeljenje IV razreda nagradila jednim slobodnim danom u drugom polugodištu, jer su predstave svih odjeljenja bile izuzetno kvalitetne.

## **Ad/5**

Dana 6. februara održan je Opći informativni roditeljski sastanak za roditelje učenika prvih razreda. Nakon obraćanja direktorice, predstavnika Vijeća roditelja, Vijeća učenika, publici se predstavilo odjeljenje I<sub>4</sub>, predstavom „115. kongres budućnosti“, s kojom su osvojili prvo mjesto na Decembarskim danima kulture. Nakon toga, predstavila se Plesna sekcija naše škole. Prije službenog dijela sastanka roditelji, nastavnici i učenici Treće gimnazije prisustvovali su otvaranju vještačke stijene izgrađene do vrha zida u sali za sport. Prisutni su imali priliku vidjeti iskusne penjače učenike naše škole i Sarajevske škole alpinizma. Svoje umijeće predstavila je i inkluzivna plesna grupa „Vršnjaci“ plesnom tačkom pod nazivom „Zajedno do vrha“. Grupu čine učenici naše i drugih škola, članovi udruženja osoba sa Down sindromom.

Gđa Sabina Šunjić, majka naše učenice Edne Šunjić, istaknula je ponos što je Edna pokretačica ove inicijative, te zahvalila Trećoj gimnaziji što je djeci s Down sindromom omogućila da pokažu što znaju, da se druže sa svojim vršnjacima, da roditelji djece koja ne pohađaju našu školu vide kako se inkluzija u potpunosti provodi u u Trećoj gimnaziji, što nije slučaj s drugim školama.

## **Ad/6**

Gđa Nada Sokolović, zamjenica predsjednika Vijeća roditelja, pripremila je presjek aktivnosti Koordinacionog odbora Vijeća roditelja svih osnovnih i srednjih škola Općine Novo Sarajevo.

Zbog opravdanog odsustva gđe Sokolović, prisutne je s informacijom upoznala gđa Ivana Šanje, sekretar-zapisničar VR.

Dana 10.12.2019. godine održana je Treća sjednica Koordinacije, na kojoj je nastavljeno s pripremama za Skupštinu VROSŠ KS, a kojoj je prisustvovala i gđa Sokolović.

Skupština je održana u Centru za mlade 18.12.2019. godine. U svečanom dijelu Skupštine obraćanjem gostiju istakla se važnost postojanja Vijeća roditelja i njegovog djelovanja u partnerskom odnosu, u cilju zaštite interesa djece Kantona Sarajevo. Ministrica obrazovanja nauke i mladih Zineta Bogunić istakla je iskrena očekivanja nadležnog Ministarstva da u budućnosti Vijeće roditelja nastavi biti partnerom u donošenju odluka koje se tiču obrazovanja učenika KS.

Predstavnica Američke ambasade izrazila je nadu da će Vijeće roditelja kao važan segment civilnog društva u budućnosti sa nadležnima iznaći način da PISA rezultate iskoristi za unapređenje

obrazovanja. Misija OSCE u BiH pozitivno je ocijenila odličan razvoj i jačanje Vijeća roditelja, kako infrastrukturalno tako i institucionalno, pri čemu su postali prepoznatljiv partner nadležnima. Ništa manje afirmativna nisu bila obraćanja i drugih gostiju, predstavnika općina, nevladinog sektora i partnerskih udruženja. Gostima i organizacijama, te pojedincima koji su dali izuzetan doprinos u radu Vijeća dodijeljene su zahvalnice. Pored gostiju, članovi Vijeća prepoznali su svoje kolege, pa je Skupština, uz određeni broj zahvalnica, dodijelila status počasnog člana g. Mesudu Avdiću, a priznanja Skupštine Udruženja dobili su gđa Jasminka Kalmar, predsjednica i g. Hamdija Šetić, potpredsjednik.

U radnom dijelu Skupštine usvojeni su akti Udruženja i izabrano je novo rukovodstvo Skupštine, predsjednik g. Vahidin Đaltur i potpredsjednici gđa Dijana Parla i g. Adis Džebić. Potvrđena je i lista od 25 članova Upravnog odbora, koji su prijedlog općinskih koordinacija Vijeća roditelja. Utvrđeno je i Statutarno vijeće od 7 zaslužnih članova koje će svojim iskustvom savjetodavno pomagati u radu Udruženja.

Skupština je završila rad usvajanjem Zaključaka koji upućuju na institucionalno rješavanje tehničkih pitanja Udruženja, zatim obaveza Upravnog odbora da nakon što izaberu rukovodstvo, sačine plan i program rada. Skupština je podržala i zaključke koji upućuju na neophodnost izmjena zakonskih rješenja u cilju obezbjeđenja adekvatnije socijalne zaštite i boljih odredbi koje uređuju obrazovanje, kako za učenike u redovnoj nastavi tako i za učenike sa posebnim potrebama, gdje god da pohađaju nastavu.

Dana 24.2.2020. godine održana je Četvrta sjednica Koordinacije, na kojoj su članovi predstavili aktivnosti škola koje predstavljaju, i na kojoj je bilo govora o trenutnim aktivnostima na izmjenama Zakona o osnovnom obrazovanju i Zakona o srednjem obrazovanju u KS.

#### **Ad/7**

Vijeće roditelja primilo je k znanju informaciju o radu Vijeća učenika Škole, koju je pripremila gđa Nada Sokolović, zamjenica predsjednika Vijeća roditelja,.

Zbog opravdanog odsustva gđe Sokolović, prisutne je s informacijom upoznala gđa Ivana Šanje, sekretar-zapisničar VR.

Gđa Sokolović je 11. marta održala sastanak s Lejлом Kovač, predsjednicom Vijeća učenika, koja ju je izvijestila da je Vijeće učenika u drugom polugodištu održalo dvije sjednice – 4. februara i 27. februara.

Na sjednicama su određeni datumi manifestacije Dani otvorenih vrata i projekta „Naših ruku djela“, te Maturске večeri. Dogovoreno je da se skupe ideje i ponude, dat prijedlog za „Veliko zvono“. Počelo se s pripremama za održavanje Dana škole.

### **Ad/8**

Vijeće roditelja primilo je k znanju izvještaj Komisije za organizaciju maturantske ekskurzije u tekućoj školskoj godini, koji su prezentirali direktorica i članovi Komisije iz reda Vijeća roditelja – Aida Zujović-Ajanović, predstavnica III<sub>6</sub> i Zorica Lešić, predstavnica III<sub>3</sub>.

Komisija je radila prema odredbama Člana 49. *Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi* („Službene novine Kantona Sarajevo“, br. 36/10).

Komisija je održala dva sastanka. Na prvom sastanku usvojen je Poslovnik o radu Komisije, izabran predsjednik Komisije, te utvrđen tekst poziva za dostavu ponuda ponuđačima, koji je sadržavao sve neophodne detalje definirane Pravilnikom. Na drugom sastanku usvojeni su zapisnik sa prethodnog sastanka i etički kodeks ponašanja učenika na ekskurziji. Otvorene su zapečaćene ponude agencija, a najpovoljnijom ponudom je ocijenjena ponuda agencije DIVAN Karupović, koja je ponudila najviše sadržaja po najprihvatljivijoj cijeni i čija je ponuda jednoglasno usvojena. Ova agencija je ujedno ostavila i vrlo dobar dojam tokom organizacije nekih od prethodnih ekskurzija učenika Treće gimnazije.

S obzirom na trenutnu epidemiološku situaciju, u ugovoru koji su potpisali Treća gimnazija i agencija DIVAN Karupović uvrštena je i odredba da se putovanje može otkazati 21 dan prije planiranog početka putovanja, u kojem slučaju se vraćaju i sva uplaćena sredstva. Ugovor pokriva i sve okolnosti više sile (zatvaranje granica, epidemije, ..).

Planirano da se ekskurzija realizira u periodu od 2. do 11. juna 2020. godine.

Direktorica je navela da će do 10. maja biti održan roditeljski sastanak, na kojem će se donijeti odluka o terminu putovanja – juni ili septembar.

Gđa Suzana Toplić-Berberović, predstavnica III<sub>1</sub>, istaknula je da su roditelji uplatili 1. ratu i da prate razvoj situacije.

Gđa Sanida Đulepa, predstavnica IV<sub>3</sub>, upozorila je da djeca prije ulaska trebaju dobro provjeriti stanje u hotelskim sobama, kako se ne bi desilo kao jednom odjeljenju na prošlogodišnjoj ekskurziji, da se naplati šteta od osiguranja za štetu u sobi koju su napravili prethodni gosti.

Direktorica i zamjenica direktorice su istaknule da se učenike uvijek upozorava da provjere stanje u sobama prije nego što u njih uđu i da o svim uočenim nepravilnostima obavijeste vođe puta.

### **Ad/9**

Direktorica Škole izvijestila je o pripremama za održavanje manifestacije Dani otvorenih vrata i projekta „Naših ruku djela“, koja bi se trebala održati u subotu, 18.4.2020. godine. Ovaj datum je izabran jer se ne poklapa ni s jednim vjerskim praznikom, a i maturantima još uvijek nije završila nastava, pa će i oni moći prisustvovati u velikom broju.

Radi se o tradicionalnom multidisciplinarnom projektu obilježavanja Dana otvorenih vrata u kojem se uz različite oglede u stručnim kabinetima, sportska takmičenja, revijalni program i prodajni bazar predstavlja Treća gimnazija budućim gimnazijalcima i njihovim roditeljima. Projekt ima i humanitarni karakter, s ciljem obezbjeđivanja novčanih sredstava za odlazak svih učenika na maturalnu ekskurziju. Manifestacija se održava već devet godina; počela je kao inicijativa za obnovu fiskulturne sale, te nastavljena narednih godina s ciljem prikupljanja sredstava za plaćanje ekskurzije učenicima čiji roditelji nisu u mogućnosti sami finansirati. Prethodnih godina svi su bili aktivno uključeni u pripremu i provedbu manifestacije: profesori, učenici, Vijeće roditelja, roditelji, prijatelji Škole. Očekuje se veliki odaziv i na ovogodišnjoj manifestaciji.

Predsjednik VR će napisati pismo kojim će se zamoliti svi roditelji za podršku (izrada kolača, nakita, novčani doprinos, ...), te pozvati sve zainteresirane da svojim dolaskom uveličaju manifestaciju.

VR je odredilo tim (Suzana Toplić-Berberović – predsjednica, Ajla Gušo, Lejla Čatić, Almir Tekač i Sead Osmanović), koji će pomagati u pripremi i provođenju manifestacije. Sakupljeni novac će se rasporediti po odjeljenjima srazmjerno broju učenika kojima treba platiti ekskurziju.

## Ad/10

Matarska večer Treće gimnazije trebala bi se održati 28. maja ove godine. Direktorica Škole je izvijestila Vijeće roditelja da je Vijeće učenika samo završilo aktivnosti na određivanju datuma i pronalasku odgovarajućeg prostora za održavanje maturske večeri, a sve se iskomuniciralo preko Office 365. Na osnovu dostupnih ponuda, odlučili su se za Hotel Novotel (Bristol). U toku su dogovori oko menija i muzike. Prije ulaska u hotel, bit će okupljanje u školskom dvorištu, fotografiranje i špalir do hotela kroz Vilsonovo šetalište.

## Ad/11

Bilo je planirano da se Dan škole održi 20. marta, ali će već pripremljeni program proslave morati biti odgođen, zbog trenutne epidemiološke situacije.

## Ad/12

- Predstavnici odjeljenja I<sub>5</sub> i I<sub>6</sub> predložili su da se razmotri uvođenje redovnih termina za konsultacije s predmetnim nastavnicima.

Naveli su da je stav roditelja odjeljenja koja predstavljaju da učenici imaju određenih poteškoća u savladavanju gradiva iz pojedinih predmeta, a samim tim i lošije ocjene, o čemu je bilo govora i na ranijim sjednicama Vijeća roditelja. Iako su predmetni nastavnici i ranije bili spremni na takvu suradnju s roditeljima, smatraju da bi bilo djelotvornije da se preciziraju redovni termini za konsultacije s predmetnim nastavnicima.

Prof. Senada Salihović, direktorica Škole, je istaknula da je i ranije bilo sličnih inicijativa, na osnovu kojih su određivani termini grupnih konsultacija i vrlo često se dešavalo da se na terminima određenim za konsultacije ne pojavi nijedan roditelj. Nastavnici su opravdano smatrali da se u takvim slučajevima troši dragocjeno vrijeme koje se može korisnije iskoristiti za potrebe pripreme nastave, te je Nastavničko vijeće donijelo odluku o ukidanju takvih konsultacija.

Član 4. *Protokola saradnje i komunikacije roditelja sa školom*, te član 22. *Pravilnika o praćenju, vrednovanju i ocjenjivanju učenika osnovnih i srednjih škola u Kantonu Sarajevo* („Službene novine Kantona Sarajevo“, broj 24/18) propisuju oblike komunikacije roditelja sa školom, uključujući i individualne sastanke s predmetnim nastavnicima, za koje je praksa pokazala da daju najbolje rezultate.



Nekoliko roditelja je istaknulo da su održavani i individualni i grupni roditeljski sastanci s predmetnim nastavnicima, na kojima su razriješene sve nedoumice koje su imali.

Zaključak Vijeća roditelja je da se treba postupati u skladu s odredbama *Protokola saradnje i komunikacije roditelja sa školom* i *Pravilnika o praćenju, vrednovanju i ocjenjivanju učenika osnovnih i srednjih škola u Kantonu Sarajevo*.

- Nekolicina roditelja prvih razreda tražila je da se pojasne kriteriji za ocjenu aktivnosti u sklopu obaveznih lektira koje se realiziraju u okviru predmeta Bosanski, hrvatski, srpski jezik i književnost.

Gđa Aida Zujović-Ajanović, predstavnica III<sub>6</sub> i gđa Sanida Đulepa, predstavnica IV<sub>3</sub>, pohvalile su metode i pristup koji predmetna nastavnica primjenjuje u obradi lektire. Smatraju da se vrlo aktivnim uključivanjem učenika u obradu lektire kroz pravljenje pozorišnih predstava i druge inovativne metode kod djece razvijaju ljubav prema pisanoj riječi, kulturu govora, komunikacijske vještine, te ih se priprema za mnoga buduća intelektualna zanimanja, čemu teži većina učenika koji se odlučuju za pohađanje Treće gimnazije.

- Muris Hubanić, predstavnik II<sub>1</sub>, upoznao je prisutne s upitom nekolicine učenika da se jezičkog prebace na neki drugi smjer koji nudi Treća gimnazija.

Prof. Amra Čolić, zamjenica direktorice, pojasnila je da postoji procedura koja propisuje da učenik može podnijeti molbu za promjenu smjera, koju razmatra Nastavničko vijeće. Jedino nije moguće prebaciti se na smjer Informacione tehnologije zbog nemogućnosti da učenici kvalitetno savladaju gradivo koje se dotad obrađivalo iz stručnih predmeta u okviru ovoga smjera.

### **Ad/13**

- Gđa Nedžmija Omeragić, predstavnica I<sub>1</sub>, iznijela je problem jednog učenika I<sub>1</sub>, čiji je zahtjev za naplatu štete zbog povrede odbila osiguravajuća kuća s kojom Treća gimnazija ima zaključen ugovor o osiguranju učenika.

Prof. Senada Salihović, direktorica Škole, pojasnila je da *Ugovor o osiguranju učenika za školsku 2019/2020. godinu*, zaključen s Adriatic osiguranje d.d., sadrži sve odredbe predviđene takvom vrstom ugovora, uključujući i isplatu naknade štete. Zamolila je da roditelj oštećenog učenika dođe u školu, kako bi se utvrdilo radi li se o grešci koju je napravila osiguravajuća kuća. Također je zamolila da članovi Vijeća roditelja koji su upućeni u navedenu oblast izađu s prijedlogom ugovora koji bi uključio specifične potrebe škole, koji bi obuhvatio veći spektar povreda i veće naknade koje se isplaćuju u slučaju povreda.

1. Sead Osmanović, predstavnik II<sub>5</sub>, smatra da treba biti oprezan kod pregovaranja s osiguravajućim kućama, te da škole, kao strana u ugovoru, trebaju biti u mogućnosti uvrstiti svoje specifične zahtjeve, npr. procedura u slučaju da se ne desi nijedna povreda – da se školi npr. vrati dio uplaćenog iznosa u vidu nastavno-tehničkih sredstava i slično.
- Gđa Dajana Legin-Dedić, predstavnica II<sub>2</sub>, predložila je razmatranje informacije o provođenju aktivnosti vezanih za prevenciju širenja koronavirusa.

Prof. Senada Salihović, direktorica Škole, pojasnila je da je Ministarstvo za obrazovanje, nauku i mlade Kantona Sarajevo dana 11.3.2020. godine uputilo dopis broj: 11/03-34-sl./20 svim predškolinim ustanovama, osnovnim i srednjim školama i visokoškolskim ustanovama Kantona Sarajevo. Dopisom se obavještava da je, u skladu s Naredbom kriznog štaba Ministarstva zdravstva Kantona Sarajevo, Vlada Kantona Sarajevo, na Drugoj vanednoj sjednici, održanoj 11.3.2020. godine, donijela *Odluku o organizaciji rada u odgojno-obrazovnim ustanovama i studentskim centrima na području Kantona Sarajevo za period 11.03. do 25.03.2020. godine* (Odluka broj: 02-04-7347-2/20). Odlukom se nalaže obustavljanje redovnog nastavnog procesa i uvođenje online nastave, u skladu s ranije dostavljenom *Instrukcijom o postupanju u izvođenju online nastave* (dopis Ministarstva za obrazovanje, nauku i mlade Kantona Sarajevo broj: 11/06-34-157/20 od 27.1.2020. godine) i *Uputstvom za realizaciju prakse „online nastava“*.

Svi učenici su upoznati s rasporedom održavanja online nastave i svojim obavezama za vrijeme njezinog održavanja.

U svim školskim prostorijama provedena je dezinfekcija.

Škola se obratila Ministarstvu zahtjevom da nastavnici koji spadaju u rizičnu grupu, nastavni proces pripremaju i izvode od kuće; čeka se odgovor Ministarstva.

1. Sead Osmanović, predstavnik II<sub>5</sub>, zamolio je da se nastavnicima skrene pažnja na slučajeve obitelji u kojima ima dva ili više učenika, a samo jedan laptop ili računar. Direktorica je zamolila da se roditeljima prenese da se u takvom slučaju jave školi, kako bi se iskoordiniralo neometano praćenje nastave i izvršavanje obaveza.

Treća sjednica Vijeća roditelja završena je u 19:45 sati.

Zapisnik napravila

Zapisnik ovjerio

Ivana Šanje

Murčo Obućina

Sekretar-zapisničar VR

Predsjednik VR

## ZAPISNIK S DRUGE REDOVNE SJEDNICE VIJEĆA RODITELJA

### JU TREĆE GIMNAZIJE

### U ŠKOLSKOJ 2019/2020. GODINI

Druga sjednica Vijeća roditelja održana je u utorak, 19.11.2019. godine u biblioteci Škole, s početkom u 17:30 sati.

Sjednici je prisustvovalo 20 članova Vijeća roditelja, prof. Senada Salihović, direktorica Škole i prof. Hasija Dedović, pedagoginja Škole. Sjednici nisu prisustvovali predstavnici II<sub>1</sub>, III<sub>5</sub> i IV<sub>4</sub>, koji su najavili i opravdali svoj izostanak, te predstavnica I<sub>5</sub>, koja nije najavila izostanak, u skladu s odredbama Poslovnika o radu Vijeća roditelja JU „Treća gimnazija“ Sarajevo.

Konstatirano je da Vijeće roditelja ima kvorum za odlučivanje, u skladu s odredbama Poslovnika o radu Vijeća roditelja.

Predložen je sljedeći dnevni red, koji je članovima Vijeća roditelja prethodno dostavljen emailom:

1. Predavanje za roditelje u saradnji sa UG CROA na temu prevencije vršnjačkog nasilja u okviru projekta „Vršnjačko nasilje – NEMA ŠANSE“
2. Predstavljanje Projekta „Promocija maturanata na nivou Kantona Sarajevo“ (predstavnice sekcije CIVITAS)
3. Usvajanje Zapisnika sa Prve redovne sjednice Vijeća roditelja JU Treća gimnazija održane 09.10.2019. godine (g. Murčo Obućina, predsjednik VR)
4. Analiza uspjeha u učenju i vladanju na kraju I klasifikacionog perioda (prof. Hasija Dedović, pedagoginja Škole)
5. Informacija o radu Vijeća učenika Škole (gđa Nada Sokolović, zamjenica predsjednika VR)
6. Usvajanje Programa rada Vijeća roditelja za školsku 2019/2020. godinu (g. Murčo Obućina, predsjednik VR)
7. Izbor predstavnika Vijeća roditelja u ocjenjivački žiri za Decembarske dane kulture
8. Izbor predstavnika Vijeća roditelja za člana Komisije za odabir najbolje ponude za ekskurzije i izlete
9. Nastavak učešća roditelja u akciji „Jedan učenik – jedna knjiga“ u cilju obogaćivanja bibliotečkog fonda
10. Razno
  - Izvještaj o fotografisanju učenika (prof. Senada Salihović, direktorica Škole)
  - Neusklađenosti Nastavnog plana i programa sa sadržajem udžbenika

Dnevni red je jednoglasno usvojen.

#### Ad/1

Prije službenog dijela sjednice održani su predavanje i interaktivna radionica za članove Vijeća roditelja na temu prevencije vršnjačkog nasilja u okviru projekta „Vršnjačko nasilje – NEMA ŠANSE“.

Projekt je predstavila i radionicu vodila prof. Maida Bavčić iz Udruženja „Centar za razvoj omladinskog aktivizma“.

Projekt „Vršnjačko nasilje – NEMA ŠANSE“ će se u Trećoj gimnaziji realizirati u periodu oktobar-decembar 2019. godine s učenicima I, II i III razreda, a aktivnosti će koordinirati prof. Hasija Dedović. Projekt su podržali Ministarstvo za obrazovanje, nauku i mlade Kantona Sarajevo i Općina Novo Sarajevo.

Cilj Projekta je povećati sigurnost djece u odgojno-obrazovnim institucijama kroz podizanje svijesti, proces afirmacije i ohrabrivanja djece. Cilj je također da se svi akteri: prosvjetno-pedagoški radnici, roditelji, relevantne institucije i škole u lokalnoj zajednici zajedno angažiraju u procesu sprječavanja izravnog i neizravnog vršnjačkog nasilja, bez obzira radi li se o fizičkom, psihičkom, seksualnom ili online nasilju.

U okviru Projekta planirana je realizacija niza edukacija za nastavnike, učenike i roditelje. Škole će provesti učeničke lokalne akcije pod sloganom „Škola sigurna za svako dijete“, koje imaju za cilj plasirati jedinstvenu ujedinjenu poruku javnosti o njihovoj borbi protiv vršnjačkog nasilja.

## **Ad/2**

Nađa Ajanović i Nejra Buljina, učenice III<sub>6</sub> i članice sekcije CIVITAS, predstavile su Vijeću roditelja ideju za Projekt „Promocija maturanata na nivou Kantona Sarajevo“.

Radi se o ideji promocije naredne generacije maturanata na nivou Kantona Sarajevo, na sličan način na koji se održavaju promocije diplomanata, u prostoru koji bi kapacitetima mogao odgovoriti potrebama srednjih škola koje iskažu interes za promociju. Na promociji bi bili predstavljeni uspjesi škola i prozvani svi učenici koji su u toku srednjoškolskog školovanja ostvarili uspjeh 5,0.

Učenice su u pratnji prof. Sejada Šenderovića 9. oktobra posjetile Rektorat Univerziteta u Sarajevu, gdje su sa prof. dr. Rifatom Škrijeljom i njegovim suradnicima razmijenile informacije o načinu organizacije promocije maturanata, mogućoj lokaciji promocije, informatičkoj podršci, koordinaciji, animiranju ostalih srednjih škola i finansijskim troškovima.

U Rektoratu su pohvalili ideju, te istaknuli kako se na vrijeme treba krenuti sa konkretnim aktivnostima, za čiju će realizaciju biti potrebna značajna finansijska sredstva, koja bi se mogla osigurati apliciranjem prema Ministarstvu finansija Kantona Sarajevo, te donacijama drugih privrednih subjekata i pojedinaca spremnih da podrže ovaj hvale vrijedan projekt.

Nastavničko vijeće Treće gimnazije dalo je podršku realizaciji ideje.

I Vijeće roditelja Treće gimnazije jednoglasno je podržalo ideju promocije maturanata na nivou Kantona.

### **Ad/3**

Jednoglasno je usvojen Zapisnik s Prve redovne sjednice Vijeća roditelja, koji je članovima Vijeća roditelja prethodno dostavljen emailom.

### **Ad/4**

Vijeće roditelja primilo je k znanju Analizu uspjeha u učenju i vladanju na kraju I klasifikacionog perioda, koju je prezentirala prof. Hasija Dedović, pedagoginja Škole.

Školsku 2019/2020. godinu pohađaju 583 učenika.

Na sjednici Nastavničkog vijeća utvrđeno je da je frekvencija ocjenjivanja zadovoljavajuća.

Ocijenjeni su svi učenici, osim tri učenika koji ovu školsku godinu pohađaju u inostranstvu, te jedne učenice koja je neocijenjena iz tri predmeta zbog opravdanih izostanaka.

Nema učenika sa potvrđenim negativnim ocjenama iz tri ili više predmeta.

Učenici su napravili 5.810 izostanaka (5.578 opravdanih i 232 neopravdana izostanka).

Najmanji broj izostanaka napravila su sljedeća odjeljenja:

- I<sub>5</sub> razrednice Džemilamne Džananović: 92 izostanka ili 4,5 po učeniku
- II<sub>3</sub> razrednice Sanide Nuhanović: 174 izostanka ili 9,1 po učeniku
- III<sub>6</sub> razrednice Edine Hodžić: 154 izostanka ili 5,5 po učeniku
- IV<sub>1</sub> razrednice Edine Lokvančić: 132 izostanka ili 5,7 po učeniku.

### **Ad/5**

Vijeće roditelja primilo je k znanju informaciju o radu Vijeća učenika Škole, koju je prezentirala gđa Nada Sokolović, zamjenica predsjednika Vijeća roditelja.

Gđa Sokolović je 16. novembra održala sastanak s Lejlom Kovač, predsjednicom Vijeća učenika, koja ju je izvijestila da je Vijeće učenika održalo dvije sjednice – 19. septembra i 24. oktobra.

Na sjednicama je izabrano rukovodstvo VU, usvojen Poslovnik o radu VU, razmatran izvještaj o projektu „Razmijeni korišteni udžbenik“, razgovarano o aktivnostima vezanim za raspodjelu učeničkih ormarića, peticiju o kodeksu oblačenja, online sedmicu, Socijalni dan, prijedlog sekcije CIVITAS, izabrane članice žirija iz reda učenika za Decembarske dane kulture.

Vijeće učenika je prenijelo zadovoljstvo učenika Treće gimnazije koji su 18. oktobra učestvovali na Socijalnom danu u organizaciji Asocijacije srednjoškolaca u BiH. Socijalni dan je projekt koji srednjoškolcima na jedan dan daje priliku da zamjene školske klupe radnim mjestima. Na taj način stječu svoje prvo radno iskustvo, pruža im se prilika da teorijsko znanje primjene u praksi, ali i mogućnost da odlaskom na radno mjesto donesu odluku o svom budućem zanimanju.

Ovogodišnja online sedmica ocijenjena je dosad najuspješnije realiziranom. VU je pohvalilo susretljivost profesora u pogledu dostavljanja količine i vrste gradiva koje je trebalo obraditi.

Na prvoj sjednici VU iznijete su primjedbe na račun rada školske kantine i mogućnosti poboljšanja njezinog rada. U međuvremenu su predstavnici VU održali sastanak s vlasnikom kantine, čiji je zaključak da se radno vrijeme kantine produži do 17:35 umjesto do 16:00 sati, poboljšan je kvalitet i stavljen u ponudu veći izbor proizvoda. Rukovodstvo Škole je podstaknulo VU da samostalno održe sastanak i iznesu svoje prijedloge vlasniku kantine, kako bi na taj način jačali samopouzdanje i učili kako jasno i efikasno prezentirati svoje ideje.

Učenici Treće gimnazije učestvovali su 17. novembra u mirnoj šetnji u okviru Međunarodnog dana srednjoškolaca, dana međunarodnog poštovanja srednjoškolskog aktivizma. Šetnju je organizirala Mreža Vijeća učenika Bosne i Hercegovine, a učenici su željeli ukazati na probleme koji se vezuju za mlade u Bosni i Hercegovini, te poslali snažnu poruku da žele poboljšati stanje u kojem se nalaze mladi.

## **Ad/6**

Jednoglasno je usvojen Okvirni godišnji plan i program rada Vijeća roditelja za školsku 2019/2020. godinu, koji je prethodno dostavljen emailom članovima Vijeća. Nije bilo primjedbi na njegov prijedlog. G. Murčo Obućina, predsjednik Vijeća roditelja, pojasnio je da se radi o okvirnom planu

kojeg bi Vijeće trebalo realizirati, ali da su dobrodošli i svi drugi prijedlozi aktivnosti koje bi Vijeće moglo uvrstiti u Plan i program.

#### **Ad/7**

Prof. Hasija Dedović, pedagoginja Škole, predstavila je aktivnosti organizacije manifestacije „Decembarski dani kulture“, koja se ove godine održava 24. put.

Cilj manifestacije je podsticanje stvaralačkih sposobnosti i kreativnosti učenika, te razvoj njihovog kulturno-umjetničkog izraza kroz učešće u revijalnom programu svih odjeljenja Škole (kroz sedmominutno predstavljanje kroz sve oblike umjetničkog izraza, izuzev filmskog).

Manifestacija će se održati u amfiteatru Škole:

- II i IV razredi u petak, 06.12.2019. godine, s početkom u 16:00 sati
- I i III razredi u petak, 13.12.2019. godine, s početkom u 16:00 sati

Članovi Vijeća trebaju pozvati roditelje svojih odjeljenja da prisustvuju ovoj manifestaciji.

Jednoglasno su u ocjenjivački žiri za Decembarske dane kulture ispred Vijeća roditelja izabrani: Nedžmija Omeragić, predstavnica I<sub>1</sub>, Sabina Šunjić, predstavnica II<sub>3</sub>, Zorica Lešić, predstavnica III<sub>3</sub> i Muamera Pašić, predstavnica IV<sub>2</sub>.

Bit će osigurane i nagrade za 1. mjesto (po jedna nagrada u kategoriji I, II, III i IV razreda) u novčanom iznosu od 200 KM po odjeljenju i jedan slobodan dan u II polugodištu.

#### **Ad/8**

U skladu s odredbama *Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obravnog rada u osnovnoj i srednjoj školi* („Službene novine Kantona Sarajevo“, br. 36/10 i 04/16), za člana Komisije za odabir najbolje ponude za ekskurzije i izlete ispred Vijeća roditelja jednoglasno su izabrane Aida Zujović-Ajanović, predstavnica III<sub>6</sub> i Zorica Lešić, predstavnica III<sub>3</sub>.

## Ad/9

Vijeće roditelja jednoglasno je podržalo nastavak učešća roditelja u akciji „Jedan učenik – jedna knjiga“, kojoj je cilj obogaćivanje bibliotečkog fonda, Škole. Članovima Vijeća emailom će biti dostavljan spisak potrebnih naslova lektire, koji trebaju proslijediti roditeljima odjeljenja koja predstavljaju. Mogu se pokloniti i ostali naslovi, koji sadržajem odgovaraju učenicima gimnazije.

## Ad/10

- Prof. Senada Salihović, direktorica Škole, izvijestila je da je praksa u Trećoj gimnaziji da se izvrši fotografisanje učenika za potrebe web-stranice i Godišnjak Treće gimnazije. Fotografisanje je bilo u organizaciji članova Novinarsko-fotografske sekcije. Sredstva će se rasporediti prema dogovoru i potrebama sekcije.
- Neusklađenosti Nastavnog plana i programa sa sadržajem udžbenika  
Članovi Vijeća roditelja izrazili su nezadovoljstvo činjenicom da dio Nastavnih planova i programa nije usklađen sa sadržajem udžbenika, što rezultira neprimjerenom praksom da učenici za jedan predmet moraju posjedovati po dva-tri različita udžbenika, a što predstavlja dodatno opterećenje učenika i finansijskih izdataka za roditelje.

Prof. Senada Salihović, direktorica Škole, pojasnila je da je Ministarstvo za obrazovanje, nauku i mlade Kantona Sarajevo u oktobru 2019. godine raspisalo *Javni poziv za prijavu kandidata za člana Stručnog tima za izradu predmetnih kurikuluma za 27 predmeta koji se podučavaju u predškolskom, osnovnoškolskom i srednjoškolskom obrazovanju*. Na osnovu Javnog poziva imenuju se stručni timovi za svaki pojedinačni predmet na mandatni period od godinu dana, čiji je zadatak napraviti Nastavne planove i programe, koji će morati biti usklađeni s udžbenicima. Direktorica je izrazila nadu da će u toku tekuće školske godine stručni timovi realizirati postavljeni im zadatak.

Direktorica je također pojasnila da se u školama mogu ravnopravno koristiti svi udžbenici koji se nalaze na *Spisku odobrenih radnih udžbenika, udžbenika, priručnika, radnih listova i zbirki zadataka za osnovne škole, gimnazije i srednje tehničke i stručne škole u školskoj 2019/2020. godini*, koji je objavilo Ministarstvo za obrazovanje, nauku i mlade Kantona Sarajevo.

Članovi Vijeća roditelja su stava da stručni aktivisti trebaju ujednačiti kriterije ocjenjivanja, te definirati i jasno učenicima naznačiti šta iz kojeg udžbenika trebaju učiti.



Vijeće roditelja također smatra da bi se trebalo obratiti inicijativom Vijeću roditelja osnovnih i srednjih škola Kantona Sarajevo, koje bi trebalo ići urgencijom prema Ministarstvu za obrazovanje, nauku i mlade Kantona Sarajevo s ciljem ozbiljnijeg rješavanja problema udžbeničke politike.

- Članovi Vijeća roditelja su tražili da se na web-stranicu Škole stavi spisak lektira, usuglašen po odjeljenjima. Neki članovi su istakli pozitivnu praksu u svojim odjeljenjima razmjene svih potrebnih informacija preko razrednih Viber grupa, te grupa formiranih u okviru edukativne platforme Office365.
- Predstavnica IV<sub>3</sub> prenijela je nezadovoljstvo roditelja svog odjeljenja činjenicom da su učenici IV<sub>3</sub> dobili novu nastavnicu engleskog jezika nakon što im je tri školske godine engleski jezik predavala jedna nastavnica.

Direktorica Škole je pojasnila da se nastavnici sami u okviru stručnih aktiva dogovaraju kojim odjeljenjima mogu predavati narednu školsku godinu, uzimajući u obzir svoje obaveze u školi te u drugim institucijama obrazovnog sistema.

- Predstavnica I<sub>3</sub> je navela problem koji učenici I<sub>3</sub> imaju s nastavom iz predmeta fizika. Po mišljenju roditelja ovog odjeljenja, na nastavi se ne rade dovoljno zadaci koji će biti na pismenoj provjeri znanja; odnosno, dešava se da se na nastavi rade lakši zadaci, a da se teži rade na provjeri znanja. Obratili su se i razredniku, a i direktorica Škole je sugerirala da razrednik organizira sastanak roditelja s predmetnim nastavnikom.
- I predstavnik I<sub>6</sub> je istaknuo loše ocjene na testovima iz fizike. Odjeljenje koje predstavljala već je održalo sastanak s predmetnim nastavnikom, i predstavnik I<sub>6</sub> je pozitivno iznenađen spremnošću nastavnika da pomogne u rješavanju problema. Utvrđeno je da učenici često imaju nedovoljno predznanje iz fizike iz osnovne škole, što im otežava praćenje nastavnih jedinica propisanih Nastavnim planom i programom, a često imaju problem i s matematikom. Dogovor je da će nastavnik s učenicima u toku nastave naglasak staviti na vježbanje zadataka, dok se sami trebaju malo više potruditi da samostalno nauče teoriju. Evidentan je problem koji učenici imaju u primjeni onoga što znaju.

Direktorica Škole je istaknula da je prof. Maličević izrazio spremnost da odredi termin za dopunsku nastavu iz fizike za sve učenike kojima je potrebna. Prof. Maličević je inače nominiran za jednog od deset najinovativnijih nastavnika u kategoriji Predmetni nastavnici predmetne nastavnice u srednjim školama u organizaciji Global Teacher Prize u Bosni i Hercegovini. Nastavnik je prepoznat kao jedan od lidera u korištenju tehnologije za unapređenje obrazovnog procesa.

Direktorica Škole navela je još neka školska postignuća i novosti:

- Osvojen zlatni pehar na Atletskom kupu srednjih škola Kantona Sarajevo,
- Osvojeno treće mjesto na Noći istraživača
- Učenice Ajša Osmanović i Arijana Vereget osvojile prvo mjesto za najbolji scenarij i najbolji film na Izvor film festivalu

- Učestvovanje u Kampanji “Trčim za inkluziju – Da niko ne bude izostavljen!”
- školski hor nastupa na Televiziji Sarajevo u programu povodom Dana državnosti
- Novo zvono u školi
- Donirana pametna tabla (Save the Children) i 2 kompleta suplemenata za 3D printer
- Donacija 6 računara od strane Vijeća Evrope – Ured u Sarajevu
- Izgrađena kompletna vještačka stijena 12,5 metara
- Planirano utopljavanje škole (nova fasada i prozori)
- Kupljena mašina za čišćenje snijega
- Zamijenjena LED rasvjeta u sali za sport
- Donacija 1 printera...
- 

Druga sjednica Vijeća roditelja završena je u 20:00 sati.

Zapisnik napravila

Ivana Šanje

Sekretar-zapisničar VR

Zapisnik ovjerio

Murčo Obućina

Predsjednik VR

**ZAPISNIK S PRVE SJEDNICE VIJEĆA RODITELJA  
JU TREĆE GIMNAZIJE  
U ŠKOLSKOJ 2019/20. GODINI**

Prva sjednica Vijeća roditelja održana je u srijedu, 09.10.2019. godine s početkom u 17.30 sati u biblioteci Škole.

Uvidom u spisak prisutnih roditelja konstatovano je da sastanku prisustvuje 18 članova Vijeća roditelja Treće gimnazije, direktorica Škole, Senada Salihović, zamjenica direktorice, Amra Čolić i pedagog Škole, Hasija Dedović i predstavnica roditelja u Školskom odboru – gđa. Dušanka Bošković.

Prvoj sjednici nije prisustvovalo šest članova Vijeća: predstavnica odjeljenja I-1, gđa. Nedžmija Omeragić, predstavnica odjeljenja I-6, gđa. Azira Hota, predstavnica odjeljenja II-2 gđa. Dajana Dedić-Legin, predstavnik odjeljenja II-6, gđin. Armin Zebo (prethodno najavio i opravdao odsustvo), predstavnica odjeljenja III-1 gđa. Suzana Berberović (prethodno najavila i opravdala odsustvo) i predstavnica odjeljenja IV-2 gđa. Muamera Pašić.

Broj prisutnih članova zadovoljava kvorum za odlučivanje.

Sastanak je otvorila direktorica škole pozdravljanjem prisutnih roditelja kojima je zaželjela uspješan rad i kvalitetnu saradnju u školskoj 2019/20. godini.

Predložen je dnevni red sa sljedećim tačkama:

1. Konstituisanje Vijeća roditelja JU Treća gimnazija za školsku 2019/20.godinu, prema Poslovniku o radu Vijeća roditelja JU Treća gimnazija
2. Upoznavanje sa Poslovníkom o radu Vijeća roditelja JU Treća gimnazija
3. Izbor rukovodstva Vijeća roditelja prema članu 9. Poslovnika o radu Vijeća roditelja JU Treća gimnazija
4. Formiranje komisije za primopredaju dužnosti i primopredaja
5. Izvještaj o radu Vijeća roditelja za školsku 2018/19. godinu (gđin. Murčo Obućina)
6. Izvještaj o radu člana Školskog odbora iz reda roditelja (gđa. Dušanka Bošković)
7. Informacije o izboru privremenog člana Školskog odbora iz reda roditelja

8. Izvještaj o rezultatima uspjeha učenika u učenju i vladanja u školskoj 2018/19. godini ( zamjenica direktorice, Amra Čolić)
9. Razno:
10. Fotografisanje članova Vijeća roditelja za web stranicu škole i Godišnjak
11. Protokol saradnje roditelja sa školom

Dnevni red je jednoglasno usvojen.

#### **Ad/1**

Prisutni predstavnici roditelja koji su odabrani za rad u Vijeću roditelja za ovu školsku godinu su u spisku roditelja provjerili svoje lične podatke koje su ranije dostavili preko razrednika i potpisom ovjerali prisustvo. Nakon toga je ustanovljeno da su ispunjeni uslovi za konstituisanje Vijeća roditelja za školsku 2019/20. godinu.

#### **Ad/2**

Predsjednik Vijeća roditelja u školskoj 2018/19. godini, gđin. Murčo Obućina, upoznao je prisutne s postojećim Poslovnikom o radu Vijeća roditelja u JU Treća gimnazija, i podsjetio roditelje na važnost poznavanja Poslovnika o radu Vijeća roditelja, kako bi rad roditelja u Vijeću na sjednicama bio kvalitetan i u skladu s odredbama Poslovnika. Predsjednik je istakao značaj uloge predstavnika roditelja u Vijeću i još napomenula važnost komunikacije i razmjene informacija sa sjednica Vijeća svim roditeljima odjeljenja i obratno. Predsjednik je prisutne upoznao da je prošlogodišnji saziv Vijeća roditelja radio na izmjenama i dopunama Poslovnika i da se dobio jedan kvalitetan dokument, te da ukoliko ovaj saziv Vijeća smatra potrebnim, može uraditi izmjene ili dopune Poslovnika, koji će se konačno usvojiti na narednoj sjednici.

#### **Ad/3**

Direktorica Škole, gđa. Senada Salihović, pozvala prisutne da iznesu svoje prijedloge za imenovanje rukovodstva Vijeća roditelja za školsku 2019/20. godinu. Podsjetila je da rukovodstvo čine: predsjednik Vijeća, zamjenik predsjednika i sekretar.

Predstavnicu roditelja iz odjeljenja I-4, gđa. Nada Sokolović, predložila je gđinu. Murču Obućinu za predsjednika i ove školske godine, navodeći da je prethodni saziv Vijeća roditelja vodio izvrsno. Prijedlog su podržale i gđa. Aida Zujović-Ajanović i gđa. Sabina Šunjić. Drugih prijedloga nije

bilo. Jednoglasnom odlukom odabran je gđin. Murčo Obućina za predsjednika Vijeća roditelja u školskoj 2019/20. godini.

Novoizabrani predsjednik je, prema čl. 9 Poslovnika o radu Vijeća, predložio za zamjenika predsjednika gđu. Nadu Sokolović i sekretara gđu. Ivanu Šanje. Date prijedloge su podržali svi prisutni roditelji, a predloženi roditelji su se složili s tim.

#### **Ad/4**

Prema članu 10 postojećeg Poslovnika o radu potrebno je izvršiti primopredaju dužnosti i dokumentacije. Pošto se radi o istom sastavu rukovodstva, primopredaja se neće izvršavati u ovoj školskoj godini.

#### **Ad/5**

Predsjednik Vijeća roditelja u školskoj 2018/19. godini, gđin. Murčo Obućina, podnio je Izvještaj o radu Vijeća roditelja za školsku 2018/19. godinu. Izvještaj je jednoglasno usvojen i nalazi se u prilogu ovog zapisnika.

#### **Ad/6**

Predstavnica roditelja u Školskom odboru, gđa. Dušanka Bošković, podnijela je Izvještaj o radu u Školskom odboru za školsku 2018/19. godinu. Izvještaj je jednoglasno usvojen i nalazi se u prilogu ovog zapisnika.

#### **Ad/7**

Članovi Vijeća roditelja upoznati su s informacijom o prestanku mandata članu Školskog odbora JU Treća gimnazija iz reda roditelja, gđi. Dušanki Bošković.

Pokrenute su aktivnosti oko procedure izbora privremenog člana školskog odbora – predstavnika roditelja, u skladu s odredbama Pravilnika o izboru, nadležnostima i načinu rada školskih odbora srednjih škola Kantona Sarajevo („Službene novine Kantona Sarajevo“, broj 42/17) i Pravilnika o izmjenama i dopunama Pravilnika o izboru, nadležnostima i načinu rada školskih odbora srednjih škola Kantona Sarajevo („Službene novine Kantona Sarajevo“, broj 23/18).

## **Ad/8**

Zamjenica direktorica, gđa. Amra Čolić, upoznala je Vijeće roditelja s Izvještajem o rezultatima učenika u učenju, vladanju i izostancima u školskoj 2018/19. godini. Ona je istakla da nismo zadovoljni brojem izostanaka, iako je broj izostanaka manji u poređenju s prethodnom godinom, te da samo u saradnji s roditeljima možemo utjecati na smanjenje broja izostanaka na nivou škole. Gđa. Sanida Đulepa, predstavnik odjeljenja IV-3, istakla je da u ovom odjeljenju ima najveći broj izostanaka jer tu ima 7 perspektivnih sportista, koji često opravdano izostaju s nastave. Navodi da na roditeljskim sastancima o tome redovno razgovaraju i predložili su da se izostanci razvrstavaju po razlozima kako bi se tačno ustanovilo koji su razlozi i koji su učenici u pitanju. Zamjenica direktorice je informisla sve roditelje da već primijenjujemo razvrstavanja izostanaka na mjesečnom nivou za svako odjeljenje, na polugodištima i na kraju nastavne godine. Gdin. Almir Tekač, predstavnik odjeljenja I-6, se obratio s pitanjem o učencima koji imaju vladanje loše i zadovoljva i zbog čega takva vladanja učenika. Pedagog, gđa. Hasija Dedović, je objasnila prisutnima da se ne radi o učencima koji su počinili teže disciplinske prekršaje, niti iskazivali neprihvatljivo ponašanje u školi. Navela je da se radi o broju neopravdanih izostanaka koji su napravili. U skladu s brojem neopravdanih izostanaka izrečene su im odgojno-disciplinske mjere, koje su propisane Odlukom o skali neopravdanih izostanaka u srednjm školama u KS, pri čemu se ne može popravljati vladanje čak i kada učenik prestane izostajati, odnosno popravljati svoje navike izbjegavanja nastave. Dakle, nije moguće popraviti vladanje učenika, niti u tom smislu odgojno djelovati na učenike, te u školi imamo nekoliko slučajeva sa sniženim vladanjima po osnovu neopravdanih izostanja s nastave. Gdin. Murčo Obućina, tražio je pojašnjenje za dva odjeljenja sa odličnim uspjehom i prosjekom (5,0). Postavio je pitanje da li je realno da su svi odlični učenici, da li je u pitanju slab kriterij ocjenjivanja, da li se radi o neujednačenom kriteriju ocjenjivanja po odjeljenjima. Objasnjeno je da se radio o dva odjeljenja III razreda jezičkog smjera i da nismo ranije imali slučaj da su svi učenici bili odlični u jednom ili više odjeljenja i da to ne znači da svi učenici tih odjeljenja imaju prosjek (5,0). U propisanim tabelama o uspjehu učenika, kada su svi učenici odlični u odjeljenju upisuje se (5,0) iako u odjeljenju ima odličnih učenika sa različitim prosjekom odličnog uspjeha, otuda objašnjenje da su dva odjeljenja sa prosjekom (5,0).

## **Ad/9**

Prije početka sjednice obavljeno je fotografisanje Vijeća roditelja, zajedno sa ostalim prisutnima, za objavljivanje fotografija na web stranici Škole i u Godišnjaku.

Gdin. Almir Tekuć, predstavnik, odjeljenja I-6, pitao je da li Treća gimnazija može uvesti dodatno bodovanje učenika pri upisu u I razred, ukoliko su pohađali osnovnu muzičku školu, kao prva škola u KS koja bi ovo imala u praksi od naredne godine. Direktorica, gđa. Senada Salihović, je kazala kako je pohađanje osnovne muzičke škole dodatni napor i odricanje za djecu i roditelje, te da jako cijeni trud takvih učenika, ali da pitanje bodovanja za upis u I razred nije u nadležnosti škole, niti škola ima ovlasti za to. Naglasila je da proces upisa u I razred vodi Ministarstvo za obrazovanje, nauku i mlade KS, a kriteriji o upisu su tačno navedeni svake godine u Konkursu za upis učenika u I razred.

Gdin. Omer Osmanović, predstavnik odjeljenja III-2, pitao je da li je moguće da učenici IT usmjerenja imaju više prakse, praktične nastave, pozivajući se na primjer Ekonomske škole koja je to prošle godine uvela na nekim smjerovima. On je obrazložio da bi se naša škola trebala povezati sa IT kompanijama koje bi omogućile da učenici imaju više prakse, jer po završetku školovanja poslodavci više od svega vrednuju radno iskustvo. Gđa. Đulepa Sanida, predstavnica IV-3, je imala sličan prijedlog i pitala da li je moguće više uključiti učenike u neku vrstu i oblik rada tokom školovanja jer učenici nemaju razvijene radne navike, niti cijene rad kako bi trebalo. Pedagog, gđa. Hasija Dedović, je prisutnima objasnila da pitanja organizacije nastave, vrste i oblici nastavnog rada jesu predmet kurikuluma, da kurikulum ne obuhvata samo nastavne sadržaje i da svi ovi prijedlozi jesu opravdani, ali da ova pitanja nisu u domenu odlučivanja škole, odnosno naših stručnih organa, a niti školskog odbora. Pedagog je prisutne upoznala da je od ove školske godine započeta reforma kurikuluma, i da sada jeste vrijeme da se izvrše bitne promjene u nastavnim sadržajima, vrstama i oblicima nastave i metodici nastavnog rada, te da bi ove prijedloge roditelja, bilo najbolje uputiti komisiji za reformu kurikuluma.

Na kraju sjednice predsjednik Vijeća roditelja, Murčo Obućina, je prisutne upoznao sa Protokolom saradnje i komunikacije roditelja sa školom i uputio da prenesu u roditeljima da poštuju ovaj dokument, a naročito u dijelu redosljeda u komunikaciji koja ide najprije od razrednika, predmetnog profesora, zatim pedagoga, zamjenika direktorice i direktorice i dalje školskog odbora i viših instanci, ako je to potrebno. Zamolio je roditelje na korektnu saradnju, i podršku roditelja radu škole.

Prva sjednica Vijeća roditelja završena je u 19:10 sati.

Zapisnik I sjednice sastavila Hasija Dedović, pedagog Škole \_\_\_\_\_

Zapisnik ovjerio Murčo Obućina, predsjednik Vijeća roditelja \_\_\_\_\_